



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

De sepulchris.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

- Ibid. 6 Campanæ neque in turri, neque alio loco collocandæ sunt; nisi primò  
solemni benedictionis, precumque ritu, ex Ecclesiæ instituto consecrate:  
cuius consecrationis monumentum aliquo loco turris, vel Ecclesiæ, con-  
signetur.
4. Ibidem. 7 Neque rursus eæ in turrim campanilem sustollantur, antequam ab  
Episcopo ritè precibus, ac benedictione consecratæ sint.
4. Quæ pert. 8 Cùm sanctissima Eucharistia deferenda erit, tum eum campanæ  
ad fac. s. Euc. sono præmoneant.
1. De Eccle- 9 Sacræ campanæ vsum, qui ad fideles præmonendos, vt ad diuina  
sij; & earum cultu. conueniant officia, est introductus, indignum est, ad conuocandos ho-  
mines ad spectacula suppliciorum adhiberi.
- Quamobrem Principes, ac Magistratus etiam atque etiam hortamur, vt campanis, quæ Ecclesiarum vsui sunt ad dicte, si cōsecratæ sint, ad pœnarum significationem quemquam vti nē patiantur.

## De Sepulchris.

## S V M M A R I U M.

- 1 Sepulchrum } <sup>Episcopale</sup> } edificandum.  
                  } <sup>Parochiale.</sup> }  
                  } <sup>Canoniale</sup> }
- 2 Episcopale sepulchrum, vbi, & qua forma edificandum.
- 3 Cathedralium } <sup>Canonicalia</sup> }  
Ecclesiarum } <sup>Sacerdotalia</sup> } sepulchra quot, & vbi exstruenda.  
                  } <sup>Clericaliaq;</sup> }
- 4 Collegiatarū } <sup>Canonicalia</sup> }  
Ecclesiarū. } <sup>Sacerdotalia</sup> } sepulchra, quot, & vbi fabricanda.  
                  } <sup>Clericaliaq;</sup> }
- 5 Parochialium } <sup>Parochialia</sup> } sepulchra, quot, & vbi conficienda.  
Ecclesiarum } <sup>Clericaliaq;</sup> }
- 6 Sepulchra communia, quot, & vbi ex edificanda.
- 7 Sepulchra laicorum propria, qua facultate in Ecclesia construenda.
- 8 Qua tamen Ecclesiæ parte minimè struenda. & de Baptisterio. 13.
- 9 Excelso loco posita amonenda; tam ex decreto Conciliari, quàm Constitutione Pij V. De Constitut. nu. 11.
- 10 Humi omnia ex edificanda.
- 11 Quaque forma.
- 12 Vt etiam illa disponenda.
- 13 Operimento quali contegenda.
- 14 Id operimentum, vt sustollendum.

- 15 *Que imagines, quæque litteræ in eo.*  
 16 *Sepulchra, malè tecta, quo termino accommodanda.*



**E**piscopus in Cathedrali sua Ecclesia, loco, & forma, quæ instructionibus fabricæ Ecclesiasticæ, ex decreto Prouinciali editis, præscripta est, sepulchrum Episcopale primo quoque tempore faciendum curet ad communem vsum Episcoporum illius Ecclesiæ. Cuius quidem sepulchri operimento insculpta sit, ita tamen, vt nè è solo

5. *Que ad di  
 in.off. pert.*

equato extet, mitra, & baculus pastoralis, tantummodo cum his litteris, *Sepulchrum Episcoporum N.*

Hoc ipsum vnusquisque Parochus ad Parochorum; & Capitula ad dignitatum, & Canonicorum vsum itidem præstent.

2 *Sequitur de sepulchris, & camiterijs instructio, quæ eiusmodi est.*

*Inst. fab. Eccl.  
 De sepult. &  
 cæm. l. 1. c. 26*

*Ac primò quidem sicut Episcopos, presbyteros, aliosque Ecclesiasticos homines intus in Ecclesia sepeliri Canones sanxerunt: ita de eorum sepulchris aliqua instructione cauendum est.*

*Episcopalis igitur sepultura locus in Basilica Cathedrali pro Chori foribus, ingressuè esse potest: vbi si locus decens aliquando nõ datur, alius deligatur, qui religioso, venerabilique Episcopali nomini, ac dignitati conuenientior sit: non in Choro tamen, neque in Capella maiori, sed extrâ illius fines, in alia Ecclesiæ parte decentiori, atque insigniori.*

*Sit ea à cæteris, etiam Canonicalibus sepulchris, loco, & insigni prætereà aliquo Episcopali distincta.*

3 *Sepulchra item sint Canonicalia duo, à dextero latere sepultura Episcopalis; eaque vt supra, aliquo interiecto spacio separata: in quibus, & Canonici, & Capitulari dignitate præditi sepeliantur.*

*Totidem prætereà à sinistro latere, certo etiam interuallo distincta: in quibus cæteri Basilicæ Cathedralis Sacerdotes, Clerici, aliique Ecclesiastici Ministri humentur.*

4 *In Ecclesijs Collegiatis sepulchra tria sint, ante etiam Chorum: aut alio loco, etiam digniori; non in choro tamen, nec verò in Capella maiori, aut aliè; vnum in medio situ; in quo Præpositi, vel Archipresbyteri, vel alio nomine Rectores earum solum humentur; alterum in quo Canonici; tertium in quo cæteri Sacerdotes, Clerici, Ministrique earum Ecclesiastici.*

5 *Prætereà in singulis Ecclesijs Parochialibus etiam duæ sepulturae sint, loco, vt supra, demonstrato; vna propria Parochorum, Rectorumque earum, altera Clericorum Parochialium.*

6 *Vbi, vel in atrio, vel in porticu, vel in exedris, vel in camiterio lo-*

cus nullus dari potest sepulturis communibus: intus in Ecclesia ingressus saltem quattuor eo nomine struantur.

7 Alia verò sepulchra, laicorum propria, in Ecclesia, sine Episcopi concessu, fieri non debere decretum est.

4. De sepulc.

Ne sepulture locus quouis nomine cuiquam detur: neue sepulchra fiant, construantur in vlla quavis Ecclesia, sine Episcopi concellu, scriptis exarato.

Inst. fab. Ibi.

8 Quæ si fieri extruendè concessum erit, nè propè Altaria, vt Varenū Concilio cautum est, struantur, fiantue; nisi tam longè distent, vt sepulchrale os ab eorum scabello bradellandè procul absit spacio saltem cubitorum trium.

Nullo sanè, modo intrà Chori, & Capella maioris fines; neque vnius intrà Capellarum minorum cancellos extruantur, quibus à populo Sacerdos celebrans separatur.

4. Ibidem.

In Choro autem, vel Capella maiori, nullo modo.

Nec verò in alijs Ecclesiæ locis propè Altaria, nisi tam longè sepulchra distent, vt sepulchrale os à scabello, seu bradella Altaris procul absit, spacio saltem cubitorum trium. Quæ autem proprius extructa iam sunt, omninò amoueri, obstruendè decernimus.

1. De sepult.

9 Non est ferenda nostri temporis insolentia sepulchrorum, in quibus putida cadauera, tamquàm sacrorum corporum reliquæ, excelsio, & ornato loco in Ecclesijs collocantur; circumque arma vexilla, trophæa, & alia victoriæ signa, & monumenta suspenduntur: vt iam non diuina templa; sed castra bellica esse videantur.

Ambitiosam igitur hanc in mortuorum corporibus decorandis arrogiantiam detestantes, & Ecclesiarum decori consulentem, eiusmodi sepulchra excelsio loco posita, & ea, quæ parietibus inclusa, vel adiuncta etiam in vna parietū parte eminent, nisi marmorea, aut ærea sint; siue illis corpora contegantur, siue inania, & ibi tantum honoris causa sint constituta; & eorum omnis generis ornatum, & apparatus ad tres menses amoueri, ac tolli omninò iubemus.

Ossaque ac Cineres in Sacro loco altius in terra defodi, ita conditos, vt sepulchrum è solo non emineat.

10 Et si cui locus sepulture deinceps dabitur in Ecclesia, humilitatum detur; & sepulchrum, in quo condetur, opere fornicato cum reliquo Ecclesiæ pavimento æquatum sit.

Hæc vt efficiantur, diligenter operam dabant Episcopi, adhibito etiam, si opus erit, magistratuum auxilio.

4. Ibid.

11 Fornicato opere sepulchra fiant; quæque è solo Ecclesiæ nullo modo extent, emineantue: sed illud planè adæquent.

Inst. fab. Ibi.

12 Ab utroque Ecclesiæ latere, dextero scilicet, ac sinistro eo ordine dispo-

disposita extruantur, ut è regione, sibi singula respondeant.

13 Operiantur, nè vllò vniquàm tempore fœteant, duplici integumento; quod forma quadrata è lapide solido sit; ità tamen, ut inferius integumentum è rudi; illud autem superius è polito lapide struatur; Ecclesie pavimento equale, quod item sepulchrali ori vndique apte cohereat. ex Inst. hoc solum additur (ibi quadrata;) vel alia decenti forma, pro loci ratione (ibique è polito;) additum, (solido lapide sit,) ità tamen, ut inter vtrumque aliquid spacij relinquatur.

14 Anulus præterea in medio integumento superiori affigatur, ad illius eleuandi vsum: ità tamen, ut nihil emineat: sed tantundem integumentum excanetur, quantum anuli crassitudo capiat. Rursus alia etiam ratio præmittenda non est, ut illud integumentum sustollatur per clauos duos: qui aliqua crassitudine sint; quique ab eiusdem integumentum superiori parte in vtroque latere traicti, nihil planè extent: ab inferiori autem, paulò oblongiores, quàm integumentum crassitudo est, singuli ferrum transuersale, firmiter hærens, habeant: quo, dum fune vnicuique clauo adhibita, integumentum eleuatur, sustineri queat.

15 In superiori porò integumento nè crux, sacraque alia imago, effigiesque sculpatur, aut alio modo exprimatur: ut nè pulueris, latine sordibus, & sputo inquinetur, ac transeuntium pedibus conculcetur.

Neque verò etiam sculpturæ ornatus, litterarum incisio, aut inscriptio vlla, aliudquè quicquàm fiat, quod emineat; neque rursus quicquam etiam tessellato opere, etiam si non superemineat, inscribatur, sculpaturue, quod Episcopo ante probatum non sit.

In quo superiori integumento, ne Crux, sacraque, alia imago sculpatur. 4. Ibid.

Nec rursus imago alia, vel litteræ, aut aliud omninò quicquam, quod extet, atque emineat: neque quod ab Episcopo prius probatum non sit, vel ab eo, cui ille id munus dederit.

16 Que sepulchra modo sunt, marmore, vel petra solida, non tecta; nisi trium mensium spacio apte tegantur, humo oppleantur, adque quato solo: ac nemo præterea in illis deinceps sepeliatur.

### De Cœmiterijs.

#### SUMMARIUM.

- 1 Sepeliendi mos in Cœmiterijs restituendus.
- 2 Cœmiteria quibus Ecclesie partibus constitui possint: queque potius loca ei vsui deligenda. 4.
- 3 Ab anteriori parte, quando non extruenda.

Ampli-